


Jesus va a pei sin l'aua

Ina sera era Jesus seretratgs per far oraziun persuls en tutta ruasseivladad. El fageva savens quei per dicuorer cun Diu. Ils apostels han denton puspei ascendiu la barca per remar sur il lag.



Ei ha buca cuzzau ditg ed in ferm vent ha entschiet a suflar vehementamein. Las undas ein carschidas pli e pli ad ault. Ils apostels han remau cun tutta forza, vegnevan denton pervia dil ferm vent buca vinavon. Els havevan gronda tema.

Tuttenina han ei viu enzatgei che ha aunc fatg pigliar els pli gronda tema. Sin cuorta distanza vegneva ina figura sur l'aua viers els. Els han tertgau ei seigi in spért ed han entschiet a grir tochen ch'els han udiu ella ramur dil vent ina vusch confidenziala ed enconuschenta: " Buca temei, jeu sun Jesus! "



Els han igl emprem buca propi vuliu crer quei. Pieder che fuva pli curaschus ch'ils auters cloma: " Sche ti eis nies signur, cloma mei tier tei. " Jesus ha intimau el: „ Neu Pieder. „

Precautamein ha Pieder bandunau la barca. El temeava per sia veta. Mo per siu smarvegl saveva el ir a pei sin l'aua. El ha schau liber igl ur dalla barca ed ei ius viers Jesus. Cu el ha denton realisau tgei ch'el fageva ed ha viu l'aua ha el survegniu temuna ed el ha entschiet a sfundrar ellas undas. El ha griu: " Gida mei, signur!" Jesus ha tschaffau ses mauns ed ha tratg il desperau Pieder ord l'aua: „ Ti eis fetg curaschus Pieder, mo ti has aunc adina buca cumpleina confidanza en mei. Cura che ti has era aunc empriu quei, sas ti far tut. „ Ils giuvnals han gidau els dus en la barca ed era il stemprau ei sequietaus.

Pieder ed ils auters apostels eran ussa perschuadi che Jesus seigi il feagl da Diu.

Damondas: 1. Fusses ti era ius amiez il lag ord la barca?

2. Pertgei ha Jesus clamau Pieder tier el?

3. Daco ein els buca sfundrai ell'aua?

4. Tgei han ils auters apostels empriu da quella historia?

5. Co numnan ins quei che Jesus ha saviu far cun l'aua?

